

Nuutsbreef april 2019

1. De minse, die zich via Veldeke Krink Ech höbbe opgegaeve vöör de **Echter Revue**, kómmendje zóndig 21 april, waere tösse 13 en 13.30 oer verwachtj in 't Euro=Detach theater op 't bedrievepark in Ech-Noord. G'r óntvangtj dao den de kaertjes bie de ingang.

Vergaete op te gaeve? Of wiltj nog emes mit gaon? Det kan nog! Mótj g'r den waal bie de entree contant aafraekene.

2. **Oppe Plats** kèntj g'r edere 1^e daensdig van de maondj terech van 10.00 – 12.00 oer. Op de baoveste verdeping (bereikbaar mit de lift) is den is altied emes van 't bestuur aanwezig. Vöör es g'r vraoge höbtj, beuk wiltj inkieke, get wiltj kómme brènge of gewuuen get te vertèlle. Ouch zeen nog oetgaves te koup wie Brönsgreun Beukske, Kaokbook of gedichtebundels.

3. De **Clubkas Campagne** van de Rabobank weurtj vanaaf dit jaor neet in 't vöörjaor, mer in september gehaoje. Mer es g'r strakkes op oze Krink wiltj kènne stómme, mótj g'r waal lid van de bank zeen. Dao zótj g'r uch vöör mótte aanmelje. Edere raekeninghaojer kan lid waere en det kosj niks extra. Zeentj g'r bie 'n anger bank? Ouch good natuurlik en den is dees boadsjap neet vöör uch

4. Waem kaoktj waal èns get oet oos kaokbeukske **“Thoesrecepte - recepte oet de kääkelaa?”** Of waem haet dao destieds recepte vöör ingestuurdj? Dagblad de Limburger zeukt vöör 'n rubriek/pagina minse die zelf get wille kaoke en haet Veldeke gevraagd of nemes get oet oos kaokbeukske zoe wille klaor make. De gezèt kömtj den effe mit uch kalle en 'n foto make bie 't kaoke. Mesjien waal leuk óm aan mit te doon?
Reageerj den nu ómgaondj. (tel. Vöörzitter 0475-482149)

5. Opgave vöör 't oetstepke.

Ómdet 't volgendj nummer van Veldeke Bekèt kort vöör de datum van oos oetstepke nao de Belgische Voerstreek in eur brebebös kömtj, is de tied óm uch op te gaeve den nog mer kort. Daoróm vas hie 't programma en de koste, den kèntj g'r d'r al äöver naodènke.

Vertrèk mit de bös vanaaf de Nuuj Mert in Ech óm 9.00 oer. Den zeen w'r óm 10 oer op plaats bestómme vöör 'n tas kóffie mit get d'rbie. Aansloetendj nao 't bezoekerscentrum van de Voerstreek. Daonao volgtj 'n rónjleiding in de Abdij Val Dieu. Nao de lunch gaon w'r nao de Commanderij St.Pieters-Voeren, wo 'ne gids ós zal rónjveure laangs de vèskwekerie. Aansloetendj de bös nao Ech, wo w'r haope óm 19.00 oer aan te kómme.

De koste vöör de reis zeen 30 euro p.p. Daobie 16 euro vöör de lunch (incl. 1 cons.) dus € 46,- p.p. Dao is gein mäogelikheid óm op eige gelaegeheid te gaon lunche. D'r zeen 50 plaatse in de bös. Introducees kènne allein mit es de bös neet vol zoe zeen.

Names 't bestuur wèns ich uch 'ne sjoane Paose.

Ton van Wegberg, vöörzitter

Vöör vraoge kèntj geer terech bie Ton van wegberg. (tvanwegberg@ziggo.nl) of ein van de anger bestuursleje. Kiek hie vöör op oze website <http://veldekekrinkech.nl/euver-vke/bestuur-krink-ech/>
Of achter op 't **VELDJEKE bekèt**.